

**Wustawki
gmejny Worklecy
wo zběranju dawka za psy
(wustawki wo dawku za psy)**



Na zakładže § 4 gmejnskeho porjada Swobodneho stata Sakskeje (SächsGemO) we wotpowědnej plăćiwej wersiji w zwisku z §§ 2, 6 a 7 wotst. 2 sakskeho zakonja wo komunalnych wotedawkach (SächsKAG) we wotpowědnych plăćiwych wersijach, je gmejnska rada dnja 12.02.2025 z wobzamknjenjom č. 03-03/2025 slědowace wustawki wobzamknyła:

§ 1 zběranje dawka

Gmejna Worklecy zběra dawk za psy jako lokalny dawk na wudawki po předpisach tutych wustawkow.

§ 2 objekt zdawkowanja

1. Zdawkować ma so dźerženje wjace hač tři měsacy starych psow na teritoriju gmejny Worklecy k hinašim hač přemysłowym zaměram. Njemóže-li so staroba psa dopokazać, ma so z toho wuchadžeć, zo je starši hač tři měsacy.
2. We wotchilenju k wotst. 1 njepodleži dźerženje psow přez wosoby, kotrež njepřebywaja dlěje hač dwaj měsacaj na teritoriju gmejny Worklecy, zdawkowanju, wobsedža-li tute wosoby zwěrvata hižo při přichadže a zdawkuja-li je w druhim měsće abo druhej gmejnej Zwjazkoweje republiki Němskeje. Wo dopokazanje zdawkowanja ma so mějićel psa starać.
3. Zdawkować ma so tež dźerženje strašnych psow. Jako strašne plăća psy slědowacych psyčich skupinow a mjezsobnych křižowanjow tutych rasow:
 - a) ameriski staffordshirski terier
 - b) bulterier
 - c) pitbulterier.

Sada 1 plăći tež za psy druhich rasow, kotrychž strašnosť je so w jednotliwym padže wot zamołwiteho wokrjesneho policajskeho zarjada zwěsćila.

§ 3 plăćenja winowaty

1. Winowatosć dawk plăćić ma mějićel psa.
2. Mějićel psa je, štož je psa do swojeje domjacnosće abo hospodarskeho zawoda přiwwzał, zo by jeho do swojeje služby abo do služby swojeje domjacnosće abo swojeho zawoda stajił.
3. Jako mějićel psa plăći tež, štož je psa k hladanju přiwwzał abo štož zastaruje psa druheho abo štož dźerži psa na probu abo ke kubłanju, njemóže-li dopokazać, zo so pos hižo w druhim měsće abo druhej gmejnej Zwjazkoweje republiki Němskeje zdawkuje abo zo je wot zdawkowanja wuswobodženy. Winowatosć dawk plăćić nastanje na kóždy pad, překroči-li hladanje, zastaranje abo dźerženje na probu abo ke kubłanju časowu dobu jednoho měsaca.
4. Wšitke psy, kotrež so w samsnej domjacnosći dźerža, wobhladuja so jako psy, kotrež so wot přisłušnych domjacnosće zhromadnje dźerža.

5. Džerža-li wjacore wosoby zhromadnje jednoho abo wjacore psy, rukuja wone zhromadnje za dawki za psy.
6. Džerži-li so pos wot juristiskich wosobow, plaća tući jako mějícíel.

§ 4 rukowanje

Njeje-li mějícíel psa runočasnje wobsedžer psa, rukuje nimo plaćenja winowateho mějícíela tež wobsedžer jako zhromadny dołžnik.

§ 5 nastaće, spočatk a kónc winowatosće zdawkowanja

1. Dawki za psy zběra so jako lětny dawki. Winowatosć dawki plaćić nastanje za kalendrowe lěto dnja 01. januara za kóždoho wjace hač tři měsacy stareho psa, kotryž so na teritoriju gmejny džerži.
2. Budže-li pos hakle po 01. januarje tři měsacy stary abo džerži-li so wjace hač tři měsacy stary pos hakle wot pozdžišeho dnja, tak nastanje dawkowy dołh a započina so winowatosć dawki plaćić z přnim dnjom slědowaceho kalendroweho štwórc lěta.
3. Winowatosć dawki plaćić kónči so z kóncom kalendroweho štwórc lěta, w kotrymž so džerženje psa skónči.
4. Při příchahu mějícíela psa z druheho města/druheje gmejny nastanje dawkowy dołh z 1. dnjom na přích slědowaceho kalendroweho štwórc lěta. Při wotchadže mějícíela psa z teritorija gmejny kónči so winowatosć dawki plaćić z kóncom kwartala, w kotrymž mějícíel z gmejny čehnje.

§ 6 dawkowa sadžba

1. Dawkowa sadžba za džerženje psa wučinja w kalendrowym léće
 - a) za přnjeho psa 30 EUR
 - b) za druheho psa 45 EUR
 - c) za kóždoho dalšeho psa 45 EUR
2. Njewobsteji-li winowatosć dawki plaćić za čas cyłeho kalendroweho lěta, ma so dawkowa sadžba podžělnje wotpowědnje § 5 wotst. 2 do 4 wobličić. Samsne plaći při dawkowych wolóženjach po §§ 8 a 9, kotrež hakle w běhu běžneho kalendroweho lěta započnu plaćić.
3. Džerži-li mějícíel psa nimo psow, za kotrež wobliči so po § 9 zniženy dawki, dalše psy, tak maja so psy, za kotrež wobliči so zniženy dawki, při zwěšćenju ličby za zdawkowanje (sobuličeny pos) po wotst. 1 přeco jako přnje wobkedžbować (zniženje za psa z najnižej dawkowej sadžbu).
4. Wot zdawkowanja wuswobodžene psy po § 8 so při zwěšćenju ličby psow, za kotruž wobsteji winowatosć zdawkowanja po wotst. 1, njewobkedžbuja.

§ 7 dawkowa sadžba za strašne psy

1. Dawkowa sadžba za džerženje strašneho psa po § 2 wotst. 3 wučinja w kalendrowym léće
 - a) na přnjeho strašneho psa 200 EUR
 - b) a na kóždoho dalšeho strašneho psa 200 EUR
2. Njewobsteji-li winowatosć dawki plaćić za čas cyłeho kalendroweho lěta, ma so dawkowa sadžba podžělnje wotpowědnje § 5 wotst. 2 do 4 wobličić.
3. Pola strašnych psow wotpowědnje § 2 wotst. 3 sada 2 njewočakuje so strašnosť pola šćenjatow a młodych psow hač do staroby šěsć měsacow, tak zo zdawkuje so w tutej časowej dobje wotpowědnje § 6.

4. W jednotliwym padže móže so dopokazać, zo wočakowana strašnosť psa w zmysle § 2 wotst. 3 njepřitrjechi. Rozsud twori zamołwity wokrjesny policajski zarjad na próstwu mějícíela psa.
5. Na próstwu mějícíela móža so dawkowe sadžby za psy w zmysle § 2 wotst. 3 wotpowědnje § 6 wotst. 1 postajić. Próstwje ma so rozsud wokrjesneho policajskeho zarjada wotpowědnje wotst. 4 připožić. Postajenje dawkowych sadžbow po § 6 wotst. 1 wotměwa so spočatk kwartala, w kotrymž je so próstwa stajiła.

§ 8 wuswobodženja wot dawka

1. Wuswobodženje wot dawka přizwoli so za dźerženje
 - a) psow-přewodnikow slepych;
 - b) psow, kotrež su wukubłane, služić bjezwuwzačnje škitej a pomocy slepych, hluchich abo hewak pomocy potřebnych wosobow w zmysle prawa za ćežkozbrašenych. Hewak pomocy potřebne wosoby su zasadnje tajke wosoby, kotrež wobsedža wupokaz ćežkozbrašenych z přiznamjenjom "B", "aG" abo "H". Za přizwolenje wuswobodženja wot dawka móže so předpožčenje posudka hamtskeho lěkarja žadać;
 - c) službnych psow krajnych a zwjazkowych zarjadow, wuchowanskeje služby a katastrofoweho škita;
 - d) wotpowědnje § 6 sakskeho hońtwjerskeho postajenja (SächsJagdVO) dopokazujomnje za hońtwu so hodžace psy
 - a. přistajenych lěsnistwa, dołhož je wukonjenje hońtwy službny nadawk;
 - b. wobkručenych dohladowarjow hońtwy w poměrje přistajenja z wobsedžerjom hońtwišća;
 - c. tych, kotřiž maja prawo hońtwy, dalokož wobsedža hońtwjerske wopismo.
 - e) psow, kotrež su z přičinow zwěrinskeho škita nachwilnje w zwěrjećich azylach abo podobnych zarjadniščach zaměstnjene, dalokož wjedu so porjadne knihi.
 - f) stadła wobstražowacych psow w trěbnej ličbje.
2. Wot wuswobodženja wot dawka po wotst. 1 pismiki a do d wuwzate su strašne psy po § 2 wotst. 3.

§ 9 zniženja dawka

1. Dawk za psy po § 6 zniži so na pisomnu próstwu wo počojcu za
 - a) psy, kotrež su přizwolenym předewzaćam stražowanskeho přemysla abo jednotliwym stražnikam za wukonjenje stražnistwa trěbne;
 - b) psy, kotrež dźerža so za wobstražowanje wobydlenych twarjenjow, jeli je potrjechene twarjenje wjace hač 500 m wot zwisowaceho sydlišća zdalene.
2. Zniženje dawka po wotst. 1 pism. b přizwoli so jenož za psy, kotrež su znajmjeńša lěto stare. Přičina zniženja móže so jenož za stajnje jednoho psa zdawkowanja winowateho wužiwać.
3. Wot zniženja dawka wuwzate su strašne psy po § 2 wotst. 3.

§ 10 postupowanje při wuswobodženjach wot dawka a zniženjach dawka

1. Za přizwolenje wuswobodženja wot dawka abo zniženja dawka (dawkowe wolóženja) su wobstejnosće spočatk kalendroweho lěta rozsudne, w padach po § 5 wotst. 2 a 4 su wobstejnosće při spočatku winowatosće zdawkowanja rozsudne.
2. Dawkowe wolóženje so jenož na pisomnu próstwu přizwoli. Próstwje maja so podložki připožić, kotrež su za pruwowanje wuměńjenjow za wolóženje trěbne.

Njezapodadža-li so tute podložki pozdžišo ani po wosebitej namołwje w předpisanej časowej dobje, ma so próstwa wotpokazać.

3. Dawkowe wolóženje so najzašo wot 1. dnja slědowaceho kwartala přizwoli, w kotrymž so próstwa staji. Wolóženje přizwoli so za pady § 8 wotst. 1 pismikaj c a d kaž tež § 9 wotst. 1 najdlěje hač do kónca kalendroweho lěta a po tym ma so z wotpowědnym wjedženjom dopokazow nowa próstwa stajić. Za pady § 8 wotst. 1 pismikaj a a b přizwoli so wuswobodženje wot dawka hač do kónca plăćiwosće wupokaza ćežkozbrašenych, najdlěje pak za časowu dobu pjeć lět. Po tym ma so wupokaz znova předpołożyć a nowa próstwa stajić. Wozjewjenske winowatosće po § 12 wotst. 5 dale plăća.
4. Wo wolóženju dawka wustaji so wopismo. Wolóženje plăći jenož za mějićelow, kotřiž su za nje próstwu stajili a kotrymž bu wone přizwolene.
5. Dawkowe wolóženje so zapowědži, hdyž
 - a) njehodža so psy, za kotrež ma so móžnosć dawkowego wolóženja wužiwać, po družinje a wulkosći za podaty zaměr wužiwanja;
 - b) bu mějićel psow w zašlych pjeć lětach dračowanja zwěrjatow dla prawomócnje chłostany;
 - c) njewotpowěduje zaměstnjenje psow žadanjam zwěrinskeho škita.

§ 11 plăćenje dawka za psy

1. Dawk za psy postaja so ze zdžělenku za jedne kalendrowe lěto. Plāćenja winowatemu móže so zdžělenka wustajić, kotraž plăći hač na cofnjenje wjacore lěta.
2. Dawk ma so 01. měrca za cyłe kalendrowe lěto zapłāćić. Započina-li so winowatosć dawk plăćić po § 5 wotst. 2 abo 4 sada 1 w běhu kalendroweho lěta, ma so dawk we wysokosći po § 6 resp. § 7 postajeneje džělnje sumy najzašo měsac po wozjewjenju dawkoweje zdžělenki zapłāćić.
3. Skónči-li so winowatosć dawk plăćić po § 5 wotst. 3 abo 4 sada 2 w běhu kalendroweho lěta abo přińdže-li k wobstejnosćam, kotrež spjelnja wuměńjenja za wolóženje po § 8 abo § 9, so hižo wustajena dawkowa zdžělenka změni. Přewjele zapłāćeneho dawka so wróćo plăći.

§ 12 wozjewjenska winowatosć

1. Štóz dzerži na teritoriju gmejny Worklecy wjace hač tři měsacy stareho psa, ma to w běhu dweju tydzenjow po spočatku dzerženja abo po tym, zo je pos starobu docpěl, wot kotrejež sem ma so zdawkować, gmejnje Worklecy wozjewić. W padach § 3 wotst. 3 ma so dzerženje psa w běhu dweju tydzenjow po kóncu časoweje doby třoch měsacow, a w padach § 5 wotst. 4 sada 1 w běhu přenjeju tydzenjow po přićahu wozjewić.
2. Winowatosć wozjewjenja ma mějićel psa w zmysle § 3 kaž tež zakonscy zastupnicy juristiskich wosobow, kotrež su psa do swojeho hospodarskeho zawoda přiwezali.
3. Při přizjewjenju maja so scěhowace informacije podać a so na próstwu tež z hodžacyimi so dokumentami dopokazać.
 - mjeno a adresa mějićela psa
 - rasa a staroba psa
 - spočatk dzerženja psa

- mjeno a adresa prjedawšeho wobsedźerja/plahowarja abo podobne
4. Za měšency matej so znajmjeńša dvě rasy podać. Předleži-li křižowanka ze strašnym psom po § 2 wotst. 3 sada 1, ma so tuta psyča skupina na kóždy pad podać. Z přizjewjenjom strašneho psa po § 2 wotst. 3 zwoli mějićel psa do daledaća w přizjewjenju podatych datow přislušnemu wokrjesnemu policajskemu zarjadej. Zwěšći-li so strašnosť psa w jednotliwym padže přez přislušny wokrjesny policajski zarjad hakle po hižo wotzamknjenym přizjewjenju psa, ma to mějićel gmejnje Worklecy w běhu dweju tydženjow wozjewić.
 5. Skónči-li so dźerženje psa, tak ma so to gmejnje Worklecy w běhu dweju tydženjow zdźělić a maja so hodžace so dopokazy wo předani, wotedaću abo smjerći psa předpołożyć. Skomdži-li so časowa doba po sadze 1 a njemóže-li so wotpowědny dopokaz wěrjomnje předpołożyć, tak móže so dawk za psy hinak hač po § 5 wotst. 3 hač do kónca kwartala zběrać, w kotrymž dochadza wotzjewjenje.
 6. Wotpadnu-li wuměnjenja za přizwolene dawkowe wolóženje, ma so to gmejnje w běhu dweju tydženjow po wotpadnjenju wozjewić.
 7. Wozjewjenska winowatosć po wotst. 1 a 4 njewobsteji, jeli je wěste, zo so dźerženje psa před terminom, z kotrymž započina so winowatosć dawk plăćić, zběhnje.
 8. Woteda-li abo předa-li so pos, matej so w zdźělenke po wotst. 4 mjeno a adresa noweho mějićela psa podać.
 9. Skónči-li so dźerženje psa přez wotchad mějićela psa z teritorija gmejny Worklecy, ma so w zdźělenke po wotst. 4 nowa adresa mějićela psa podać.

§ 13 dawkowe dohladnistwo

1. Za kóždoho k zdawkowanju přizjewjeného psa kaž tež při dźerženju psa z winowatosću wozjewjenja, ale z wuswobodženjom wot dawka, so wot gmejny Worklecy bjezplatna značka wo dawku za psy wudžěli resp. z dawkowej zdźělenku připósćele. Po tym, zo je na značce začišćana doba plăćiwosće wotběžala, zhubi značka swoju plăćiwosć a naruna so z nowej.
2. Mějićel psow dyrbi zwonka wot njeho wobydleného domu a wobhrodženeje ležownosće běhacym psam, kotrež dźerži, plăćiwu dawkowu značku za psy widžomnje přičinić abo značku we wopodstatnjenych padach sam při sebi mjeć. Wón je winowaty, přistajenym gmejny Worklecy plăćiwu značku na žadanje pokazać.
3. Po tym, zo zhubja znački swoju plăćiwosć, připósćelu so mějićelam psow a zakonskim zastupnikam juristiskich wosobow, kotřiž su psa do swojeho hospodarskeho zawoda přiwzali, nowe dawkowe znački. Hač do wudaća nowych dawkowych značkow wobchowaja dotalne dawkowe znački swoju plăćiwosć.
4. Z wotzjewjenjom psa ma so poslednja plăćiwa značka wo dawku za psy gmejnje Worklecy wrócić. W padže předanje, wotedaća abo smjerće psa njesmě so dawkowa značka dale dać.
5. Zhubi-li so dawkowa značka, ma so to bjez komdženja pola gmejny Worklecy wozjewić. Za zarjadniski poplatk we wysokosći 15,00€ so narunanska značka wuda. Narunanje znački, kotraž njehodži so hižo wužiwać, je bjezplatne. Njewužiwajomna značka ma so gmejnje Worklecy wotedać. Jeli so zhubjena značka zaso namaka, ma so narunanska značka gmejnje bjez komdženja wrócić. Zezběrany zarjadniski poplatk so w tutych padach wróći.

§ 14 přeńdženja přećiwo porjadej

1. Přećiwo porjadej po § 6 wotst. 2 cyfra 2 SächsKAG we wotpowědnej plăćiwej wersiji jedna, štóž wotpohladnje abo z njekedźbliwosće
 - a) jako mějićel psa swoje wozjewjenske winowatosće po § 12 wotst. 1, 3, 4, 5, 7 abo 8 njespjelni, dypkownje njespjelni, wěrnje njespjelni abo dospołnje njespjelni;
 - b) jako mějićel psa winowatosć přičinjenja resp. we wopodstatnjenych padach sobunošenja dawkoweje znački po § 13 wotst. 2 njespjelni abo ju na žadanje přistajeneho gmejny Worklecy njepokaza;
 - c) jako mějićel psa swoju winowatosć, zhubjenje dawkoweje znački po § 13 wotst. 5 wozjewić, njespjelni, dypkownje njespjelni abo wěrnje njespjelni;
 - d) jako mějićel psa winowatosć, dawkowu značku wotpowědnje § 13 wotst. 4 abo 5 wrócić, njespjelni;
 - e) jako mějićel psa přećiwo § 93 porjada wo wotedawkach žane informacije njepodawa abo wěrne informacije njepodawa;
 - f) jako mějićel strašneho psa, za kotrehož ma so § 2 wotst. 3 nałožować, psa jako tajkeho k zdawkowanju njewozjewi;
 - g) jako mějićel psa přećiwo § 12 wotst. 3 sada 5 njewozjewi abo w postajenym času njewozjewi, zo bu jeho pos jako strašny pos zastopnjowany.
2. Wotpowědujo § 6 wotst. 3 SächsKAG móže so přeńdženje přećiwo porjadej z pjenježnej pokutu do wysokosće 10.000,00 eurow chłostać.

§ 15 nabyće plăćiwošće

Tute wustawki nabudu 01.01.2025 plăćiwošće. Runočasnje zhubja wustawki wo zběranju dawka za psy z dnja 31.03.1999 a 1. změna z dnja 21.12.2001 swoju plăćiwošć.

Worklecy, dnja 13.03.2025

Clemens Poldrack
wjesnjanosta

- pječat -

Pokazka na časy za přizjewjenje zranjenjow procedury a formy:

Po § 4 wotst. 4 sada 1 SächsGemO plăća wustawki, při kotrychž nastaću su so předpisy wo procedurje a formje zranili, lěto po jich wozjewjenju jako wot spočatka sem plăćiwe.

To njeplaći,

- 1. jeli njejsu so wustawki wustajili abo jeli su so wopak wustajili;*
- 2. jeli su so předpisy wo zjawnosći posedženja, schwalenju abo wozjewjenju wustawkow zranili;*

3. jeli je wjesnjanosta wobzamknjenju po § 52 wotst. 2 SächsGemO njezakonskosće dla znapřećiwił;

4. jeli

a) je so prawnikodohladowanski zarjad do kónca w sadže 1 mjenowaneje doby na wobzamknjenju postorkował abo jeli

b) bu gmejna do kónca w sadže 1 mjenowaneje doby pisomnje na zranjenje předpisow wo procedurje a formje skedźbnjena, inkluziwnje pomjenowanja wobstejnosćow, kotrež maja zranjenje wopodstatnić.

Je-li so na zranjenje po sadže 2 č. 2 abo 3 skedźbniło, móže tež po kóncu w sadže 1 mjenowaneje doby kóždy na tute zranjenje skedźbnić. Sady 1 do 3 so jenož nałožuja, jeli je so při wozjewjenju wustawkow na formalne předpisy a jich prawniske konsekwency pokazało.

Tuta pokazka je so z tym podała.

wustajene: Worklecy, dnja 13.03.2025

Clemens Poldrack
wjesnjanosta

- pječat -